

PRAVILA PRIVATNOSTI

Cilj Pravila privatnosti Direkcije za koordinaciju policijskih tijela BiH je da, u skladu sa članom 68. Zakona o zaštiti ličnih podataka (u daljem tekstu: Zakon), svim osobama čije lične podatke Direkcija za koordinaciju policijskih tijela BiH (u daljem tekstu: Direkcija) obrađuje u okviru postupaka koje provodi, uz izuzetke propisane posebnim zakonom, na transparentan način pruži informacije o obradi njihovih ličnih podataka.

Pravila privatnosti se primjenjuju na sve lične podatke koje Direkcija prikuplja, upotrebljava ili na drugi način obrađuje, direktno ili putem drugih kontrolora.

Prema Zakonu dole navedeni pojmovi imaju sljedeća značenja:

Lični podatak je svaki podatak koji se odnosi na fizičku osobu čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili na skupovima ličnih podataka, automatiziranim ili neautomatiziranim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombiniranje, ograničenje, brisanje ili uništavanje.

Kontrolor podataka je fizička ili pravna osoba, javni organ ili nadležni organ koji samostalno ili sa drugim određuje svrhe i sredstva obrade ličnih podataka.

Nadležni organ je organ koji je nadležan za sprečavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprečavanje prijetnji javnoj sigurnosti, kao i pravne osobe ako su zakonom ovlaštene za obavljanje ovih poslova kao posebna kategorija.

1. Podaci o kontroloru podataka

Direkcija za koordinaciju policijskih tijela BiH, Aleja Bosne Srebrne bb; 71000 Sarajevo;

Tel: +387 33 779-000;

Fax: +387 33 779-010;

E-mail: direkcija@dkpt.gov.ba

Službenik za zaštitu podataka

Tel: +387 33 779-049

e-mail: szzp@dkpt.gov.ba

2. Svrha i pravni osnov za obradu ličnih podataka

Vaše lične podatke Direkcija, obrađuje u skladu sa članom 6. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine. Navedeni zadaci i ovlaštenja uključuju:

- Organizovanje i provođenje fizičke i tehničke zaštite lica i objekata organa BiH i diplomatsko-konzularnih organa koji se posebno štite u skladu s odgovarajućim zakonima, međunarodnim obavezama i drugim propisima koje donosi Vijeće ministara Bosne i Hercegovine;
- Prikupljanje, praćenje, analiziranje i korištenje podataka od značaja za sigurnost Bosne i Hercegovine;
- Komunikacija, saradnja i koordinacija između policijskih tijela BiH;
- Provođenje međunarodnih ugovora o policijskoj saradnji iz nadležnosti Direkcije;
- Ostale poslove propisane zakonom i drugim propisom.

3. Vremenski period čuvanja ličnih podataka

Vaše lične podatke Direkcija obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci se više ne koriste ali se čuvaju u arhivi onoliko vremena koliko obavezuju zakonski propisi o arhivskoj građi.

4. Tehničke i organizacione mjere zaštite ličnih podataka

Vaše lične podatke Direkcija obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka te smanjenje količine ličnih podataka po principu neophodnosti. Direkcija poštuje vremenski period čuvanja ličnih podataka kao i njihovu raspoloživost.

Preduzete su fizičke, tehničke i organizacione mjere zaštite ličnih podataka koje su propisane Planom sigurnosti ličnih podataka. Svi zaposleni u Direkciji potpisali su izjave o povjerljivosti ličnih podataka kojima pristupaju.

5. Koja su Vaša prava u vezi sa obradom ličnih podataka?

Vaša prava, uz izuzetke propisane posebnim zakonom, su:

- pravo na pristup svojim ličnim podacima,
- pravo na ispravku ličnih podataka,
- pravo na brisanje ličnih podataka,
- pravo na ograničenje obrade,
- pravo na naknadu štete i
- pravo na prigovor.

Za ostvarivanje svojih prava možete se obratiti Direkciji pisanim putem ili putem elektronske pošte na naprijed naznačenu adresu. Ako ste nezadovoljni postupkom Direkcije možete se obratiti nadležnom nadzornom organu www.azlp.ba ili putem tužbe nadležnom sudu.

6. Prenos ličnih podataka drugim kontrolorima podataka, prenos ličnih podataka u inostranstvo

Vaše lične podatke Direkcija može dati drugim kontrolorima ukoliko je to potrebno za izvršavanje zakonom propisanih obaveza. Takođe, vaše podatke Direkcija neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji obavezuje Direkciju.

Vaše lične podatke Direkcija daje pružaocima informatičko-komunikacionih usluga sa kojima je zaključila ugovor i koji poštuju pravila postupanja sa ličnim podacima.

7. Promjene Pravila privatnosti

Direkcija će redovno ažurirati Pravila privatnosti kako bi ista sadržavala tačne informacije. O svim izmjenama i dopunama bit ćete blagovremeno informirani u skladu sa principom transparentnosti.